

畿

輔

安

瀾

志

畿輔安瀾志

白河卷一

原委

白河卷二

原委

白河卷三

附載

堤防

橋渡

白河卷四

修治

官司

祠廟

水利

畿輔安瀾志

白河卷一

原委

白河其上源沽河也源出宣化府赤城縣北獨石口
邊外一曰隄頭河一曰獨石泉

〔漢書地理志〕漁陽郡漁陽沽水出塞外東南至泉
州入海行七百五十里 〔水經〕沽河從塞外來酈

注沽河出禦夷鎮西北九十里丹花嶺下 方輿

紀畧獨石水在開平衛南流注雲州堡合于龍門

川 二統志隄頭河在上都牧廠南界土人名大

藍兔祿河在獨石口西北二十五里源出狗牙山

東南流入獨石口狗牙山在上都牧廠南土人名

克新喀喇諾海山直獨石口西北二十七里 口

北三廳志卽沽水上源狗牙山舊丹花嶺也

謹案北方諸水惟沽河源流最混其名稱亦亂以

其下至通州合東西二路水故謂之路河

通典密雲郡值

州密雲有潞水自塞外流入一明統志潞水自塞外丹花嶺合九泉水南流逕密雲縣東北以

其與潮河合故謂之鮑邱水亦曰潮河

太平寰宇記潞縣潞

河一名沽河一名鮑邱水北自埴州密雲縣流入

方輿紀要白河亦曰鮑邱水亦曰大榆河又自

河即又以其與白馬關入之白河合流于石塘嶺

故又謂之白河

方輿紀要白河亦名潞河亦曰沽水水經鮑邱水出禦夷北塞中

志云河南岸皆白沙不生青草故名志白河古沽水也亦曰潞河又沽河亦曰白河

皆非其本名也說水者當以漢書地理志水經注

爲據漢志水經注惟有沽河之一名別無他號也
其合潞處在下尾安得卽以追被上源且其與潮
河合處舊在順義縣北二十里之牛欄山之東麓
今改于密雲縣南十八里明嘉靖中遏絕之不使
入順義縣欲水勢盛漲以通密雲餉道故也或以
爲于口外霧靈山與潮河合非也辨見後 又案
一統志又有獨石泉在鑲白旗牧廠東南五十里
蒙古名烏里爾齊老泉又有獨石山在上都牧廠

東北直獨石口東北二百三十里蓋泉源之遠如此疑別是一山泉也然徧考別無泉源又輿圖云沽水發源喀喇河屯熱河西南境之塔綳拖落海有他賁拖落海山在上都牧廠西南直獨石口西北一百十五里河曰隨客河疑卽隄頭河之異名南流逕大馬鄂模則有烏藍呼都克之水會之又東南流逕庫勒鄂模又東南流逕五可兒河又東南流逕七老巴爾哈孫卽古隰寧廢驛也

一統志在獨石

北三十里又南流逕嗎尼圖嶺亦名麻尼圖嶺卽鐵幡

竿嶺也

一統志在獨石
口北三十里

南流入口

自上都牧廠南其北與正白旗察哈爾牧廠交界南
流逕獨石口同知屬之馬神廟又南流十里逕喇嘛
洞

口北三廳志大喇嘛洞獨石口西北丁莊子灣東
北四十里小喇嘛洞大喇嘛洞東南十里

又南流二里逕棠梨溝則有九泉水注之

水經注沽河又南九泉水注之水導北川左右巽
注入川共成一水故有九源之稱其水南流至獨
石注大谷水 長安客話潞水自塞外丹花嶺合
九泉水 口北三廳志九泉水獨石口北三十里
棠梨溝有泉九源並發合流注于隄頭河南入獨
石口

又南流五里逕神明鏡溝

口北三廳志明鏡溝獨石口西北二十八里

又南流六里逕龐家窰又南流四里逕滅虎溝又南
流四里逕北柵口入邊城

宣化府志北柵口東至萬勝樓五里二百一十三
步西至鎮衝樓三里通口外多倫諾爾開平城土
城子張家口等處地方〔赤城縣志獨石水關卽
北柵口

又南流五里逕獨石城西北則有西柵口之水自西
北來注之

謹案此水所流僅三里口北三廳志以爲卽水泉
水今其上流乾涸故所行不遠

又南流五里逕獨石城南之獨石神廟前與東柵口
水合卽大柴溝河也又有紅山水自口外流入之

水經注大谷水發鎮北大谷谿西南流逕獨石北
界石孤生不因河而自峙口北三廳志大柴溝
河獨石口東北三十里西南流入獨石市柵口至
城南獨石廟與沽水合疑卽古大谷水也 畿輔

通志水在赤城縣東其源有二皆自塞外流入一
曰獨石水由獨石口逕獨石城西爲西河一曰紅
山水由紅石山逕獨石城東爲東河俱流至城南
而合 二統志有城西河在開平衛西五里發源
口外夾城東南流至衛南與城東河合其水亦自
口外流入經衛東五里又南合流

謹案是水發源口外其源不遠然與獨石水東西
合流于獨石口城南故有東西河之名三廳志以

爲大谷水似已考水經注大谷水又南逕獨石西
又南逕禦夷城西又東南尖谷水注之亂流南注
沽水則是大谷水當爲西河乃大砦溝水則在獨
石東北谷水縱有遷移獨石必無改動大砦溝之
爲大谷水亦非可定以爲是也又東柵口外之山
名東高山西柵口外之山名西高山方輿紀要東
高山在開平
衛東三十里西高山
在龍門所西五十里城東河卽大砦石溝河城西
河卽水泉河大砦溝河源發東高山南流逕先農

壇口北三廳志先農壇在獨石口東柵子外入東柵口至城南獨石亭

卽獨石神廟而注于沽河長三十里西柵子水發源支

鍋石口北三廳志鑄脚口獨石口西北十里有巨石三面鼎峙相去各百餘步如鑄脚故名俗

呼支錫石流三里許亦注于沽河此二河于入口處最

爲切近故著之考東柵口之水爲城東河西柵口

之水爲城西河固已然畿輔通志所指名東河西

河者乃自口外西爲獨石水東爲紅山水二支乃

川流也不數支鍋石水者以其水絕小又平時乾

涸也與一統志所云城東城西二水有別又沽水
下流逕赤城縣東北外故統得東河之名方輿紀
要云韭菜川在開平衛東源出東山流逕衛南與
鹽帽山水合流至赤城堡爲東河之源名勝志赤
城堡之東河由獨石雲州堡東南流卽通州白河
之上源考三廳志有韭菜坪在張家口北一百三
十里川以地得名張家口在獨石口之西則是水
當在獨石口城西不當云東也卽有此川所行不

遠盈涸無時城東之水惟大碧溝一支耳更無他
水足以應之紀要所謂韭菜川爲東河之源者殆
不足據名勝志以東河卽通州白河之上源此是
由石塘嶺入口之一支亦非此東河也辨見後

又案紅山水出紅石山求之地理不得其處明史
地理志龍門衛紅石山水出焉下流合于龍門川
方輿紀要紅山水在龍門衛東源出紅石山東北
流經雲州堡合于龍門川則是紅山水之爲紅石

山水無二說也特獨石水與紅石山水俱自口外
入逕獨石城則已合流矣而方輿紀要又載紅山
水云在馬營堡東南二十里山勢高險石色多赤
下有紅泉東流合大河入龍門峽畿輔通志仍之
旣載紅山又載紅石山云龍門縣東五里上產紅
石可供玩好口北三廳志紅石嵯在獨石口南清
水堡東北則又另有一紅石山也又赤城縣有紅
石井水獨石城內舊有紅泉亦皆非出自紅石山

也詳見後

二水合流而南

獨石水大谷水也

十八里逕頭堡子西又南

流十里逕半壁店西

明史地理志開平衛南有半壁店

又南流十里逕三山堡西又有流十里逕貓兒峪西
則有清泉堡之水自北來注之

方輿紀要貓兒峪在半壁店堡雲南州所北道出
開平者此爲中路清泉堡在開平衛東北邊外山

下有清泉湧出達堡東因名
口北三廳志清泉
淀清泉堡口外合黃榆鎮北二溝之水流入邊內
堡名以此

謹案清泉堡水在獨石城東北發源口外西南注
于貓兒峪之南下入龍門川其長三十里

又南流十里逕舊站堡西出龍門峽是爲龍門川

水經注大谷水又南逕獨石西又南逕禦夷鎮西
又東辟尖谷水注之亂流南注沽水又南出峽岸

有二城世謂之獨固門 遼史地理志奉聖州龍

門縣有龍門山石壁對峙高數百尺望之若門激

外諸河及沙漠諸水皆于此趨海雨則俄頃水濤

千仞晴則清淡可涉實塞北控扼之要也在州東

北二百八十里 明史地理志雲州堡東北有龍

門山亦曰龍門峽下爲龍門川 方輿紀要龍門

川在堡東北可五十里合獨石紅山二水從龍門

峽南流合于白河 二統志龍門山卽古獨固門

也沽河又南逕龍門山下名龍門川

謹案沽河上源有二一爲獨石水卽一統志所謂
白河出上都牧廠東南界者是也一爲紅山水卽
一統志所謂隄頭河源山上都牧廠南者是也
畿輔通志以獨石水流逕獨石城西爲西河紅石山
水流逕獨石城東爲東河合流至龍門峽爲龍門
川故白河有古沽河之一名方輿紀要以爲獨石
紅山二水南流合于白河則以源出赤城縣東之

滴水崖故云然滴水崖爲沽河所經卽是白河非其發源處也口北三廳志云白河雙源對引將至邊城合流入口爲兩河口是矣又云西流至雲州東南與龍門川沽水合亦仍前人之紀載而未之分晰也龍門峽在赤城縣而龍門縣志云山在城西二十里山上有關則別是一山矣

有君子堡水合松樹堡水會于羊房堡與暖泉合流自西北來注之

謹案松樹堡水西北發源口外沙兒嶺流入東南

三十里

一統志松樹堡在赤城縣西北馬營堡西
又三廳志沙嶺獨石口西南八十里與

張家口
交界

至羊房堡東與君子堡合君子堡水亦自

西北口外來東南流三十里

宣化府志君子堡東
至獨石城三十里西

至松樹堡十五里南至馬
營堡二十里北至邊五里

至羊房堡合松樹堡水

東南流十里逕倉上堡又東南五里與暖泉水合

又東南流五里入龍門川此二水不見記載

谷迸流之溪河也平時無水遇雨通注又暖泉在

赤城縣北

畿輔通志在赤城縣北雲州堡寶濟鄉一處出泉凡七十二眼

與赤城

縣西之溫泉是二水溫泉詳見後

又南流八里逕關門口則有鎮安堡之水自北來注之

〔謹案〕鎮安堡水出東北口外南流逕堡南又南流十五里逕施家嵯折西南流十里逕永鎮堡又西南流十里逕沙溝又西南流二十里至雲州堡南合于龍門川口北三廳志云白河在鎮安堡口外

則此河疑其分支諸書所云白河入塞逕滴水崖復出靖安堡邊外殆指此也平時則涸遇雨則流蓋乾溝也

又南流七里逕黃土嶺則有夏家村乾河自北來注之

謹案夏家村出東北口外西南流十五里逕村南又西南流八里合龍門川其西卽黃土嶺

又南流十五里逕赤城縣東繞城而南則有大石門

之水東南流逕左右一所堡合水泉又合湯泉水流
逕城南曰赤城河

水經注沽水又西南逕赤城東城在山阜之上下
抗深隍谿水之名藉以變稱故河有赤城之號矣
又陽樂水又東南逕溫泉東泉在山曲之中又逕
赤城西屈逕其城南東南入赤城河 太平寰宇
記螺山水亦名赤城河卽沽水也東北塞外流入

明史地理志赤城堡東有東河卽通州白河之

上源也又有西河合焉 方輿紀要東河在赤城
堡東自獨石口雲州東南流逕古北口爲通州白
河上源西河在赤城堡西五里南流合于東河
二統志沽河又南逕縣東門外曰東河

謹案水泉河源出口外大石門乾河一道由榛子
溝入馬連口東南流逕赤城縣西北二堡子丁家

路入口

口北三廳志大石門山獨石口西南三十里丁莊子灣西北十五里山有石洞如門

故名 輿輔通志水泉河源出赤城縣西北二堡子南流入湯泉河 東南流十里逕

西柵子又東南流逕鎮寧堡南

一統志鎮寧堡在赤城縣西北二里

西至邊界

又東南流十里逕右所堡東又東南流

十里逕左所堡東是爲水泉河又南流十里會于

湯泉河亦謂之城西河

一統志水泉河在赤城縣西北五里亦名城西河

羅案口北三騰志水泉河獨石口西北十里平地出泉東南流入西柵口至獨石城南與沽水合此

水由湯泉河下合龍門川以爲入于沽水原無誤也第湯泉河在赤城西十五里北去獨石口城已

八九十里其水不于獨石城南合沽河可知一統志所謂西河指赤城縣而言非謂獨石口城也二

堡子卽右所堡在左所堡西北十里自乾河湯泉一道相接今有水出左所堡蓋伏現不常矣

河在赤城縣治西十五里東流五里與水泉河合
爲城西河與東河合則沽水正流也畿輔通志引
明統志云有赤城湯泉在宣化府鎮東一百四十
里自龍門鎮北鄉赤城寺側山根湧出暴熱而旁
有冷泉隨人浴之可愈疾此卽今湯泉河也一統
志引明統志溫泉在赤城西十五里又西河在赤
城縣合溫泉東流分爲二一從西北一從城南流
合東河所引同而文各不同詳觀其說湯泉卽溫

泉也所謂西河合溫泉卽永泉河水也兩鎮三關
志赤城有溫泉又有湯泉是分爲二矣宣化府志
引續宣志鎮東百四十里之卽泉湯在赤城西十
五里其實一也〔又案〕寰宇記以螺山水名赤城
河考螺山今赤城縣境無此山一統志紅羅山蒙
古名五蘭哈爾哈山在御馬監牧廠西直獨石口
北一百五十里懷柔縣志縣北二十里有紅螺山
一在邊外一直西南皆去此絕遠寰宇記所云疑

卽懷柔縣之山以上流而逮及下方也

又南流十三里逕老幼屯則有翦子嶺之水合浩門嶺水自西來注之

方輿紀要翦子峪在龍門衛東二十里其形如翦一名大嶺山浩門嶺在雕鶚堡北二十五里明初以此名驛

謹案翦子峪水發源龍門縣東界東流十里逕赤城縣次麻坑又東流五里逕耜房堡又東流逕小

嶺堡又東流八里逕興仁堡又東流二里逕老幼
屯與浩門嶺水合浩門嶺水亦出龍門縣東界南
流二十五里合翦子谷水又東流五里入於東河
又南流七里逕柳林屯東又南流十里逕樣田堡西
則有樣田河自龍門所合紅石井水西水泉水自東
北來注之

方輿紀要樣田在龍門所東南舊名雞田 一統
志楊田堡在赤城縣東龍門西南二十里舊名雞

田明嘉靖年改名樣田 赤城縣志雞田今爲樣
田明史兵志軍官各種樣田以歲收之數考核
口北三廳志沽河又東南流逕樣田至龍門所南
與陽樂河水合

謹案樣田之爲雞田周興嗣千字文云雞田赤城
始卽此也一統志又以爲楊田明改爲樣田考水
經注陽樂水出且居縣世謂之橫水又謂之陽曲
河曲與田字形相近或因此致誤然未有以証之

又河逕樣田堡故有樣田河之一名其去龍門所

遠隔二十里外諸以爲逕所南者非是又樣田河

源出獨石口外西南流逕亦城縣牧馬堡南

一統志牧

馬堡在龍門所北故牧馬場也又西南逕龍門衛南一名清水河

邊防考樣田河在龍門衛南二十里源出獨石塞外流逕此又清水河在龍門所城南流合于白河

又南流十五里逕蔣家堡與紅石井水合又西南

流十五里逕石灰窯又西南流十里逕樣田堡西

入沽河紅石井水在赤城縣西南三十里亦名水

泉

或以爲卽紅山水或以爲卽長伸地水之源皆無所據特因紅石山而混也

西流五

里合樣田河入于沽水世以陽樂水目之非也西

水泉河

龍門縣志城西十里

自近北莊郭家莊

縣志城南二十五里

蔡

家莊

縣志城南二十五里

鞠家莊

縣志雕鶚堡北三十里

康家

莊南流四十里入龍門河

又南流十里逕上馬鞍山又南流五里逕下馬鞍山

又南流十五里逕合河塞東則有龍門河自龍門縣

西來注之卽古陽樂水也有乾河入道曰黃草梁河

三賢廟河北柵口河金家莊河翦子嶺河浩門嶺河
周家溝河長安嶺北河皆入焉通名之曰南河

漢書地理志上谷郡且居陽樂水出東南入海

水經注陽樂水又東南逕溫泉東又逕赤城西屈
逕其城南東南入赤城河河水又東南右合高峰
水西南流又屈而東南入沽水 畿輔通志沽河
又南與陽樂河合爲南河

謹案龍門河源出龍門縣西娘子山名大龍王堂

方輿紀要娘子山在龍門南西二十里山高聳而無險惡之勢因名娘子泉在山下泉水溢出勢甚

浩瀚可資灌溉正統十四年蝎後漸溢出爲民利

龍門縣志龍門河城南里許源出大龍王堂

謹案宣化府志引龍門縣舊志龍門河下流與上龍虎村泉合又與下龍虎村羊城溫泉及剪子谷

諸水合而漸大然其上流土人傳云出自朱家營泉卽有溯源更長者亦概稱娘子山下數泉乃爲

星宿矣及親採朱家營二泉甚微卽娘子山數泉亦甚渺忽惟北三里有大龍王堂潭在院內水出

地中伏流數丈至岩樹下洶湧噴薄流出數里遂伏流至張家營復出是乃龍門河之巨源也又龍

門泉水極多不下數十餘處俱無名率皆涓涓細流行砂磧間或里許或十數里許卽入地中伏流

雖龍門河夏時流過三岔口而止不能與虎龍泉水合龍門河卽龍門川志不以沽爲源而求之龍

王澤本誤但載諸小水甚明存之據府志之說則直以龍門峽之龍門川爲卽此龍門河矣攷龍門川逾龍門峽在赤城縣南不在龍門縣境內偶以其名相同而道里又近遂以北來之川河爲北來之溪徑誤矣又唐末置龍門縣屬新州遼金二史地理志所載之龍門縣皆在赤城南之龍門峽元末廢爲鎮至元二十八年改置望雲縣卽今雲州堡明初又廢宣德四年置龍門衛乃今縣治也以龍門之名移此故卽以陽樂水爲龍門河舊志所云蓋陽樂水之源也府志欲以沽水實之非也又府志引水經注陽樂水出自且居縣東北流逕大翻山小翻山北考水經注沽水又東南與鵲谷水合有二源南卽陽樂水也其下所云出且居縣者鵲谷水也故曰又東南流注陽樂水府志不辨二源之惑遂成陽樂水注陽樂水誤矣又畿輔通志龍門縣有龍門河逕縣南二里又東逕雕鶚西南

卽水經注所謂橫水也又有南河至堡西南七里合龍門卽永經注所謂侯鹵水也龍門南河合而

東統謂之南河又東至赤城縣界合沽河卽水經注所謂陽樂水東南入赤城河者也其說蓋亦以

龍門河爲流逕龍門縣城南曰南河一統志陽樂河在龍門縣

南東流至赤城界入沽河今有龍門河源出龍門縣西娘子山東南流逕縣南二里又東逕雕鷲堡

西南有南河源出南狗村東北流至堡西南七里合龍門河統名南河又東至赤城縣入沽河又

東流逕八里莊又東流逕三岔口又東流逕上虎

村又東流逕下虎村又東流逕康家莊又東流逕

雕鷲堡南方輿紀要南河在雕鷲堡南自堡西北之剪見峪狗兒村合流至此東南流入

密雲縣北境之白河〔謹案龍門川水東入沽河去盧溝甚遠龍門縣舊志片云南河至合河寨東南流入盧溝康熙五十二年知縣章焄脩志正之曰當云鳩水洋河亦非〕又東流逕

黎家堡又東流逕東莊堡又東流逕尤家莊又東流逕孫家莊又東流逕赤城縣合河寨與沽河合

共長八十餘里 又案乾河八道在龍門縣一曰

黃草梁河

〔縣志〕城西十八里

自近北村逕郭家莊蔡家莊

鞠家莊入長四十五里一三賢廟河

〔縣志〕城西十五里亦

自近北莊至鞠家莊逕康家莊入長四十五里一

北柵口河

縣志即許衝城北十五里其南柵子即楊衝城北十二里

由老王溝

逕前所堡

縣志城北五里

龍門城入長三十里一金家莊

河

方輿紀要金家莊堡在龍門衛西北七十里

由金鏞堡

縣志城北二十五里逕

韓家莊

縣志城東十五里

三岔口入

一統志三岔口在縣東十五里長四

十里有奇一窮子嶺河

縣志城東三十里

由上虎村入

縣志

即上狗村城東二十五里

長二十五里一浩門嶺河

縣志雕鶚堡三十里

縣東南六十里

自張四溝

縣志雕鶚堡北十六里縣東南五十五里

大倉堡

縣志

雕鶚堡北十里縣東南五十里

小倉堡雕鶚堡入長三十里

二河與赤

城縣分水

一周家溝河

縣志雕鶚堡北十五里城東南五十五里

由小

倉堡入長二十里一長安嶺北河

縣志縣東八十五里

自二

砲兒

縣志嶺北十五里縣南十五里

逕官莊堡

縣志嶺北二十二里縣南六十里

東山廟小雕鶚堡入

縣志雕鶚堡南七里縣東南三十七里

長五十

里

此河與入洋河之水分歧見洋河篇

八河俱平時無水遇雨水發

俱流注於龍門河

折而東流逕河西堡北則有白龍潭水南來注之又

東流十五里逕青羅口南又東流十里出滴水崖下

宣化府志白龍潭水在赤城縣南七十里河西堡
西南五里源出南山下方廣三丈許澄澈見底水
紋如錦外爲小溪歲旱禱雨輒應西南流十餘里
入于沽河 方輿紀要白河源出宣府衛龍門所
滴水崖〔羅塞薊門攷亦云滴水崖之水懸高崖而下卽白河之上源皆非也辨見前〕
二統志滴水崖在赤城縣東南滴水崖堡北三里
石崖滴水去地百餘仞隆冬不凍

又東流逕堡南門外又東流二十里逕寧遠堡北寧

遠堡南則有長伸地水自北來注之

〔畿輔通志〕滴水崖堡在赤城縣東八十里南河又
東南逕堡南 宣鎮圖說滴水崖堡東常勝寧疆
二堡東有寧遠堡舊有朵顏易馬市口 口北三
廳志白河又東南逕滴水崖堡長伸地水自北來
注之

謹案長伸地水出紅石山南南流十五里逕巡簡
寺又南流二十里逕長伸地堡東

方輿記略長伸地堡在寧遠堡

東北堡北有巡倚寺其扼要也又南流二十里逕寧遠堡東又南流五里至滴水崖寧疆堡與沽水合

又東流五里出境屈曲流逕延慶州屬之靖安堡出邊牆外共長二百一十五里

畿輔通志靖安堡在延慶州東永寧城北三十里沽河又東南繞靖安堡之西南東三面又東北至東河口仍出邊外

謹案靖安堡卽靖孤堡也邊外有白黑二城各以

其水相近而名

又東流入二道邊垣墻之白河口塞垣東盡之口也
迤西接長元口迤東則四海冶口

宣化府志四海冶堡北至海子口八里南至四海
冶口五里

又東從石塘路與白河支分邊外之一支會

其支分之二支亦出獨石口邊外流逕鎮安堡東北
一名白遂河轉爲白嶼河亦曰淑水又名白狼河俗

稱自在河亦謂之曰漕又謂之北河或云水從白馬
關入或云兩岸不生青草故名對惠河而言又呼爲
外河或以爲對黑河而言故曰白河其以爲卽古孟
廣礪水及以爲發源滴水崖及霧靈山爲潮河川者
非也

遼史地理志順州歸化郡有白遼河 金史地理
志順州溫陽舊名懷柔有遼水 王曾上契丹事
順州東北過白遼河北望銀冶山 明統志白河

一名白遼河。明史河渠志：白漕卽通濟河源出塞外。水部備考：秦使天不飛芻輓，聚起琅邪，資海之郡，轉輸北河爲漕。舊矣。北河者卽白河也。方輿紀要：元致和初，上都兵入古北口，燕帖木兒擊之於白狼河。白狼河卽白河也。

大清會典：白河源出關外。一統志：白河在北都牧廠東南界，自獨石口東南，冬河口流出，邊又東南流，入石湯嶺，俗又呼爲外河。口北三廳志：白河出

鎮安堡口外東西兩山雙源對引將至邊城合流
入口所謂兩河口者是也 順義縣志白河性悍
多沙衝決無定俗稱爲自在河一名潞河發源塞
外從石塘嶺白馬關入故曰白河 武清縣志白
河卽北運河也古沽水亦曰潞河一曰白遂河俗
稱爲自在河

謹案白河之名不見於古記傳惟王曾上契丹事
始有白嶼河之名而遼史地理志則有白遂河金

史志則作淑嶼遂淑音同特字異耳順義縣志金
史溫陽縣有兔兒山淑水今皆不得其處良由不
知淑水之卽爲白淑河也然白河之名倘古有是
稱則酈道元注水經徵引最博何爲不片及之而
寰宇記亦無聞可知至遼時此河始有是名其後
紛紛臆度皆不得其實考水經注以沽水與鮑邱
水皆出禦夷沽水出鎮西北凡三里鮑邱水逕鎮
東南九十里鮑邱水謂之大榆河則鮑邱卽今潮

河之上源也又以鮑邱水爲道水溪水又合遼水廣
礪水亦皆會大榆河未嘗以爲廣礪水爲白河謂
卽沽水之一支也後有白河之說諸書或以爲出
霧靈山方輿紀要昌平山水記以爲卽孟廣礪山
遂以廣礪水爲白河之源矣但白河旣源乎廣礪
則非卽沽水之分支且礪水注道人水亂流卽會
大榆河礪水源流甚短何得擅白河之名與潮河
並稱意廣礪水自是入榆河之水不可以爲白河

之源也春明夢餘錄白河經密雲縣霧靈山爲潮
河川河防志問水集皆以爲經密雲縣霧靈山以
霧靈山爲白河所經可也而漕河考張兆白河源
考方輿紀要諸書直以爲白河源出霧靈山非矣
畿輔通志霧靈山在密雲縣東北一百六十里本
名伏凌山後訛爲霧靈考水經注伏凌山乃鮑邱
水合三城水所經與石門水合者也與孟廣礪明
是二山旣以孟廣礪爲霧靈山則不得以霧靈爲

伏凌之誤矣且據水經稱硯甚增峻尚可附會雲
霧之說而伏凌山惟言積雪凝冰何有於霧靈耶
殆不然也 又案白河發源邊外一統志記于上
都牧廠而口北三廳志以爲在鎮安堡外者是也
其云冬河口卽東河口石湯嶺卽石塘嶺字形與
音俱誤耳若滴水崖在赤城縣邊牆內霧靈山雖
在口外亦近邊牆皆非此河之源雖白河由東河
口出邊又南自石塘嶺口入經歷此山下而不可

以爲源也儲大文叙獨石口長城形勢云永勝墩
又南有連垣水關鎮邊墩前水由關入南流逕盤
峽道嶺繫於鎮安堡之前卽龍門峽上口是也意
此卽白河之源而特未爲之標目耳 又案諸書
旣以白河爲源于霧靈山且以霧靈爲卽孟廣硯
于是又以白河經霧靈山爲潮河川以求合于水
經注硯水逕密雲戍城有大榆河之文硯水卽白
河則是潮白二河通流久矣不知西密雲戍在塞

外非昌平州之密雲縣道元所謂有東密雲故是
城言西其文甚明不可得而混也其叙礪水叙次
鮑邱水篇而不入沽水則礪水必非白河可知第
道元當日不著白河之名白河之自沽水分流有
不可得而考者古今水道之變不必強爲之說也
其水南流與黑河川水合折東流與延慶州之溪水
合

一統志裏遂黑河在上都牧廠東南界土人呼額

伯裏遂黑河在獨石口東南五十里源出興安山
東流至龍潭會白河溪河在延慶州東四海治堡
北門外水有三源一出堡西南昌平州黃花路界
東北流逕堡西至堡北有別源自西北來流合焉
一出堡南東北流逕堡東北與西水合又東北流
三里出邊外入沽河 口北三廳志黑河源出獨
石口東黑龍山南老獐溝南流逕山神廟至道川
折而西復東南曲流至水磨灣逕東卯鎮花盆嶺

東至黑龍潭與白河會北流逕黃土嶺至熱河界
會潮河川東南流入密雲縣口

謹案據圖黑河山獨石口外之口老山俗名也卽

黑龍山

口北三廳志黑龍山獨石口東北一百里

西南流逕老柵子又

西南流逕殺河壩有小水入之又西南流逕接濟

溝又西南流逕三道川又西南流逕紅石砦

口北三廳

志紅石砦獨石口南清泉堡口東

又西南流逕馬柵子又西南流

逕喜峰砦

口北三廳志喜峰砦獨石口東一百三十里其下有古城遺址疑卽遼之黑河

州故又西南流逕孤石兒口北三廳志孤石獨石基也口東南一百二十里

又西南流逕水磨上折南流逕東西萬貫口又南

流逕遼東營又南流逕靈泉寺則有靈泉之水入

焉又南流逕巴兔營又南流逕井兒溝折東流逕

水磨灣又折東流逕東西卯鎮口北三廳志卯鎮山獨石口東一百

八十里又東流逕花盆嶺口北三廳志花盆嶺獨石口南二百五十里又

東流逕三道營屈曲東南流逕黑龍潭有水出南

天門口北三廳志獨石口東南二百四十里雙崖對東四潭叠注驚浪雷奔飛湍激射黑河三

川匯流于此過萊樹甸與
白河合歸大路峪入邊 至萊木溝與白河支分

之水會自黑老山西南至孤石兒長七十里自孤
石兒南至井兒溝長八十里自井兒溝東至水磨
灣長六十里自水磨灣南至西卯鎮長六里自西
卯鎮東南至黑龍潭長八十里自黑龍潭南流轉
東至萊木溝長十里 又案方輿紀要溪河在延

慶州北十三里源出團山西南流至州城南合于
沽河州志據明統志謂溪河出永寧團山經州南

合沽河西至懷來入桑乾河蓋州自另有溪河源
出東北雙營屯流入媯河非出獨石口外之古沽
河也沽河之名既同而溪河又易相混此溪河蓋
別是一河東北入于古沽河者也昌平州黃花路
交界之水爲海子溝其別源自西北來者卽延慶
州北黑峪口之水也與出堡南之一支匯流總謂
之溪河

又有四海冶海子溝之水合珍珠泉水入之

二統志四海冶堡在延慶州永寧城東六十里舊

嘗冶鑄于此以有四水合流名四合冶後訛爲四

海冶

謹案四水合流之說本畿輔通志謂出延慶州東北之溪河水有三源合流入于沽河也

口北三廳志四海冶口東源出平地方廣可半

畝許深六尺餘澄澈見底清冷異常其泉潄沸盤

旋自下而上如珍珠萬琲歎散水面源源不絕也

側有小渠分流四注左右田數百畝皆藉以灌溉

焉

又東流逕十道河千家店又東流與湯河合

〔口北三廳志〕湯泉龍門所塘子口東十里河北岸其泉冬夏常溫浴之可以療疾泉上有龍泉寺近山里許凡水發地皆溫亦氣使然也 延慶州志千家店在邊牆之外四至俱曠墟沙漠與獨石口滴水崖相接懷來縣交界爲四海治周四溝靖安堡之外衛

〔謹案〕溫泉即陽河亦曰湯城淀源自熱河西境喇

喇棚子南流匯黑河川及珍珠泉之水入石塘嶺
與白河合卽白馬關河也方輿紀要引邊防考白
馬關北七十里爲湯河又北百里爲滿套兒白湯
河上稍正南行順白河至石塘關可二百里山惡
水深稱爲天險卽是水也一統志以爲出司馬臺
東西南流與乾塔河流入古北口城中又一湯河
也至赤城縣西有湯泉又別是一泉亦非此河
又東流入喀喇河屯屬之寶山寺折西東西流逕白

馬關合白馬關河馬家峪河水峪河入石塘路與沽

河正流合于石塘嶺自下沽河兼得白河之稱矣

方輿紀要白河源出宣府衛龍門所東滴水崖東

流入密雲縣北境之石塘嶺過縣西謹案紀要此言是仍指沽

河而言其支流亦從石塘嶺過懷柔縣西謹案此指白河而言

據以爲支流則是白河上源原未嘗合沽而復分也自二河原不混 二統志自

河自宣府鎮赤城堡東流出邊又東南入密雲縣

西北邊城東南逕黃崖口堡及高家莊堡之南又

東至石塘城東北會白馬關河馮家峪河稍南流

會水峪河逕石塘城東 順義縣志白河出塞外

白石塘嶺白馬關入故曰白河 畿輔通志沽河

東南逕滴水崖堡南亦曰白河 詳案通志叙二河水道似合一爲據

此節則河流至此始有白河之名非如他志以白河爲卽沽河矣又南逕延慶州

靜安堡曰白河口東至東河口出口由邊外達順

天府密雲縣之石塘嶺關此通州白河之上源也

白馬關河在密雲縣北一百里源出口外自白馬

關口東流入縣界南折入白河馮家峪河在密雲縣北九十里源出口外自馮家峪口流入白河

昌平山水記白馬關西南四十里爲石塘嶺距密雲縣四十里其西北有驃騎堡有水關白河從西北塞外來逕石塘嶺下

謹案大水峪河源出四海治蓮花淀

口北三驛志蓮花淀四海

治口東南流入大水峪中產魚遼史遊幸表聖宗開泰六年五月觀魚于蓮花淀疑此地是也

慶衛志蓮花池

東南流入密雲縣西神堂峪之干

衛東北六十里

連口

方輿紀要 開連口關在懷柔縣北黃屯鎮東第十一關也 懷柔縣志 神堂峪關在縣北

二十里 升連口關 又東南流逕大水峪名大水峪 在縣北二十五里

河（晉） 牛山水記 白馬關西北四十里為大水峪 河（明） 抗志 水峪河在密雲縣北三十里南流逕大

水峪為大水峪河 二統志 水峪 河源出口外白水峪口流入白河 又東南流逕懷

柔縣東為雁溪河又東南逕王化莊入于白河又

白河合口外諸水以入于石塘嶺諸書所云足証

其以為自古北口流入者此今水經之誤也考古

北口在石塘嶺之東乃潮河所入之路白河安得

并流于此 又案河自滴水崖東南流逕靖安堡
西又東流至小水口出邊牆小水口卽東河口也
其北卽溪河接延慶州二十里之黃峪口又東北
流三里逕黑峪口又東北流五里歸入靖安堡之
沾水其海子溝直延慶東一百一十里統於東北
合流也

屈而西流逕渤海所西又南流逕密雲縣西則引河
入焉

方輿紀要渤海守禦千戶所在昌平州東北百里
黃花鎮城東三十里 明史地理志昌平州密雲
南有白檀山西有白河 密雲舊志白河西南至
舊城北折而西復南屈逕城南 畿輔通志康熙
五十六年夏四月以霧靈山水衝壞城垣

特命修築復於城西開引河一道長四百六十餘丈引水歸
入白河

又南流逕密雲縣南與潮河合又南流逕懷柔縣東

陸龍其畿輔地圖記白河在密雲縣南十八里

二統志白河至縣南十八里會潮河明時潮白兩河猶分流合於牛欄山下昌平山水記謂懷柔縣東七里爲白河又東十五里爲潮河自嘉靖三十四年遏潮河不使入順義境由密雲合白河於是牛欄以上潮河故道遂爲白河所經今懷柔縣東有水自牛盆峪南流至牛欄山入白河乃白河故道也

又南流逕縣東南境則有鴈溪河自西北來注之白河之支又爲喬道洩水溝

二統志大水峪河亦名鴈溪河 懷柔縣志在縣

東八里源自塞外逕神堂峪

謹案喬道洩水溝在懷柔縣東南王化莊

西

謹案畿輔通志以鴈溪河逕水峪河是又另是一河矣考鴈溪河卽大水峪河自密雲縣西神堂峪开連口外發源東南流入里逕馬答峪入境又東

南流四里逕柏崖莊東又東南流五里逕馬家墳
東折南流二里逕孟家臺屈西南流一里其水通
涸無常又東南流六里逕陳峪莊東又東南流八
里逕王化莊東又南流不及一里入于白河昌平
山水記大水峪厯懷柔順義界至孫家莊東北合
黃花鎮川河方輿紀要大水峪河在順義縣北三
十里源出塞外逕懷柔縣流入界至孫家莊東北
合于黃花鎮川河畿輔通志大水峪在順義縣北

二十五里自懷柔縣流入東南流至牛欄山東麓
入白河順義縣志大水峪河發源塞外過懷柔縣
至孫各莊東北會黃花鎮河入牛欄山白河昌平
州志水峪河距州三十五里入懷柔縣界一名黃
花鎮川河諸書所記皆指其合七渡河會白河之
處而言其實此水于懷柔縣東南卽入白河不得
至順義昌平州界也一統志懷柔縣志足據

又南流逕靈蹟山則有黃花鎮川合小泉水亦自西

北來入之

水經注沽水又西南流出山逕漁陽故城西而南
合七度水水出北山黃頌谷故亦謂之黃頌水東
南流注于沽水又南漁水注之又南與螺山之水
合水出漁陽城南小山魏氏土地記曰城南五里
有螺山其水西南入沽水又南逕安樂縣故城東
晉書地道記曰晉封劉禪爲公國世謂之西路水
也

謹案昌平山水記後魏安樂郡故城在順義縣
西北六里方輿紀要安樂城在通州西北漢德

陽郡屬縣考後魏安樂縣在今縣東南有安輿村
之名順義境以榆河爲西河故以沽河爲南河唐
置南河縣以此又白河于此又有西路之一名故
王莽改漁陽郡爲通路指此水其東路在今通州
白河合鮑邱河處

方輿紀要白河在懷柔縣東七里逕

靈蹟山黃花鎮川河入焉牛欄山北里許有小山

名靈蹟山

謹案河起縣東龔家莊入境南流六里逕河北莊

折西南流三十里逕卸甲山莊

縣志在縣東北四十里

又南

流二十里逕宰相莊又南流六里逕房各莊又西

南流四里逕王化莊與鴈溪河合又西南流八里

逕密雲屯衛仙臺莊又西南流四里逕年豐莊又

西南二里合七渡河

卽黃花鎮川河

入順義縣境共長五

十二里白河與黃花鎮川河合于懷柔縣之東河

今水經以爲白河至密雲縣西黃花鎮河來注之

非也又七渡河源出昌平州東北一百二十里之

珍珠泉

懷柔縣志七渡河在縣南二里卽昌平州之珍珠泉也

城公家庄 謹案太平寰宇記引隋圖經云七渡水在昌平縣界接虎眼泉昌平州志虎眼川在虎

崙山噴噴水所出也今志以爲出珍珠泉珍珠虎
眼本是二泉古記所云難以臆解虎眼泉見榆河

篇卽古黃頌水也一名朝鯉河王曾上契丹事朝
鯉河亦名七渡河

自二道口關流入黃花鎮又名黃花鎮川河有泉

曰南蕙亦謂之渤海泉昌平山水記州北八十里
爲黃花鎮城其水曰黃花

鎮川河出塞外自二道關入口逕渤海所懷柔順
義界入白河畿輔通志渤海泉在密雲縣東三

十里泉湧如珠又南蕙泉在渤海所謹案黃花
路城舊名渤海所故以名泉渤海南蕙非二泉也

東流逕渤海所北又東流逕五渡河村北又東流

逕白家莊南其長三十七里又東流四里入懷柔

縣屬查各莊北又東南流三里逕釣魚臺西又有
九渡水自西來會之統名之曰七渡河又東南流
四里逕石廠莊東又東南流九里逕兩河莊與小
泉河水合又東南流五里逕趙各莊東又東南流
二里逕孫各莊東又東南流三里逕泉河屯西又
東南流二里逕四季屯西又東南流五里逕下皮
屯西

縣志東北隅下皮村村西沙河

入于白河俗亦謂之懷河

謹案

天津府志引縣志謂七渡河入大峪水河非也今縣志亦無此語又郡縣釋名三河以地近七渡鮑

邱臨胸三水而名方輿紀要七渡河在三河縣西
北一名黃頰水源自順義縣黃頰峪流逕縣界下
流入白河考三河縣本漢洛縣唐武德二年置臨
洺以城臨洺水而名亦曰臨渠城開元四年又析
洛縣置三河其取義未知云何其實七渡水不在
三河縣界考水經注則惟鮑邱水與洺河二水合
于此三河之名或以是也紀要不之察又以順義
縣境之黃頰水實之考七渡河首起密雲流逕懷
柔三里較長其入順義境者不過下尾耳且順
義縣亦無黃頰谷也黃頰疑卽黃花鎮故河卽以
鎮爲名又九渡河有二源一發昌平州北之西水峪

二統志西水峪口在昌平一發源州北之銀山蒙
州北六十五里石佛口東

泉名義順夢餘錄銀山在昌平州東北六十里峯巒
峻峻冰雪層積色白如銀昌平平州志蒙泉在

州治東北七十里銀山二泉雙引東流十里而合
之下其水清冽甘美

又東流逕九渡河村又東流逕四渡河村又東流

逕峪口村又東流逕霍家新莊又東流逕運山南

卽峯山也

懷柔縣志在縣西南五里三峯
屬昌平東址爲懷柔界其長八

十四里又東流入懷柔縣西界又東流五里逕釣

魚臺與七渡水合河流九曲亦曰九曲河又曰曲

水泉

蓬萊七渡河與九渡河自是兩水黃花鎮川
河據水經注黃頌冰之文可云卽七渡河不

可云卽九渡河也方輿紀又小泉河發源懷柔縣
要及昌平山水記似混

東紅螺山

明統志紅螺山在懷柔縣北二十里高二百仞下有潭潭中嘗有二螺色殷紅

夕吐光燄長安客話紅螺山有泉一綫以珍珠名其水湧如噴珠畿輔通志小泉河在縣東三

里源出螺山山采家生入白河謹案小泉河據長安客話以珍珠名又懷柔縣志亦曰紅螺山之

下有泉名紅螺泉一名珍珠泉是則卽七渡河之源以爲入大峪河水者非也水南流一里逕盧家

莊東又南流一里逕紅螺鎮西折東南流二里逕劉谷莊北其水亦通塞無常又南流四里逕中富

樂莊東又南流四里逕下園莊東又南流一里逕南富樂莊東又南流一里逕兩河莊與七渡河合

此水西合七渡河畿輔通志所謂采家里者卽順義縣東北之南采北采二村也

又南流逕順義縣東北境則有東府村泉入之又逕

牛欄山舊與潮河合流處也又南流逕縣東門外有

清河會沙河入焉

詳榆河篇

永經注沽水西南流逕狐奴山西又南逕狐奴縣

故城西 長安客話牛欄山與狐奴山相望 方

輿紀要呼奴山在順義縣界東北二十五里亦名

狐奴山牛欄山縣北二十里白河又南逕牛欄山

東麓潮河流合焉又南逕縣城東門外至通州爲

潞河

謹案潮河自嘉靖二十七年遇絕其流不入順義縣境

順義縣志東

府村泉在治東北至柳各莊入白河

謹塞河自縣東北入境逕胡家營

〔縣志〕距縣三十五里分二

支西南流逕榆村

〔縣志〕距縣二十五里

至下坡村合流於牛

欄山東麓索陶村村前二河合流

〔順義縣志〕縣治北索陶前二河

合流謂潮白二河舊合處也新南路增河距與懷治十里新東路泥河距治五里皆潞水所積

柔縣之紅螺山水七渡水二河合流逕杏落村

〔志〕

東西各落距治十里

又南流至縣城東逕風伯村

〔縣志〕距治八里

又

南流逕臨河村河南村

〔縣志〕二村距治十里

又南流逕北河

村

縣志距治二十里

張家新莊而南入通州其長八十里

又案中堂記事自北口小店踰灰嶺抵桃花峪
溫陽山間殊有奇觀石爲磐渦如碧玉盆者非一
壽藤灌木交蔭左右其水泉蓋潞河之水源也此
是榆河之一支故以爲潞河之源